

Cartulaire de l'abbaye de Gorze, Nr. 102

Magnifico in Christo fratri Aginaldo, abbat, et preposito eius Odolberto, pariter
emotoribus, ego itaque Gerongus, venditor. Mea spontanea voluntate constat me vendidisse
terram ex proprio meo, super fluvium qui dicitur Orna, inter Montem Bivonis et Langei
villa. Ex uno latere tenet Sanctus Gorgonius et ex altero Sanctus Martinus, ex media fronte
predictus Gerongus. Et accepi a vobis precium sicut inter nos placuit atque convenit, hoc
est in argento solidos XV; ea ratione ut post hunc diem habeatis ius habendi, tenendi,
vendendi, commutandi, donandi, vel quicquid exinde elegeritis faciendi liberam et
firmissimam in omnibus habeatis potestatem. Si quis vero de heredibus vel proheredibus
meis hanc venditionem a me factam infringere temptaverit, centenos proinde siclos
persolvat, et deinceps nec ego nec aliquis heres meus ea fruatur. Et ut hec venditio firma
permaneat, manu propria ipsam firmavi, stipulatione subnixa. Actum Gorzie, anno ab
incarnatione Domini quo supra. Signum Gerongi, qui hanc cartam fieri et firmare rogavit; †
Gontranni; † Engizonis diaconi; † Haimonis; † Errebaldi; † Bosonis; † Girardi; † Milonis; †
Hadewardi; † Gamutii; † Stephani; † Geltranni; † Geomari; † Ineri; † Tietmari; †
Warcheri; † Gisleranni; † Gainardi; † domni abbatis Aginaldi; † Odolberti prepositi; †
Randici decani; † Everberti custodis; † Teutheri; † Winemann; † Erchengeri; † Bernacri.
Signum Rainelmi, qui hanc cartam scripsit et subscrispsit.